

Բարև՛,

Ես 20 տարեկան եմ: Շնորհակալ եմ քեզ՝ զգացմունքներդ այդքան գեղեցիկ ներկայացնելու, ինչպես նաև հարցի խաղաղ կարգավորման կողմնակից լինելու համար: Ասածդ մտքերի հետ համաձայն եմ:

Քո ծնողների պես իմ ծնողներն էլ են ինձ բացատրել այն ժամանակվա իրավիճակը, պատմել՝ երկու ժողովրդի բարեկամական հարաբերությունների մասին: Մայրիկս մանկության տարիներին հայ ընկերներ է ունեցել, տատիկս ու պապիկս հայ ընկերներ, ծանոթներ են ունեցել, և սա ցույց է տալիս, որ երկու ժողովուրդը լավ հարաբերություններ են ունեցել և չեն ցանկացել, որ պատերազմ լինի:

Սակայն իրավիճակի թելադրանքով նման ողբերգական դեպքեր են տեղի ունեցել, որն էլ շատ լուրջ ազդեցություն է ունեցել ժողովուրդների հարաբերությունների վրա: Մի ժամանակ լավ հարաբերություններ ունեցող ժողովուրդներն այժմ թշնամական հարաբերություններ ունեն:

Ոչ մի մարդ չի ցանկանա, որ պատերազմ լինի. ես նույնպես չեմ ցանկանում: Իմ հարազատները, նույնպես, պատերազմի ժամանակ զոհվել են, վիրավորվել, և դա ինձ վրա շատ ծանր ազդեցություն է գործել: Ապրիլյան կռիվները ցույց տվեցին, որ պատերազմն ընդհանրապես լավ էլք չէ: Մեծ թվով մարդիկ են զոհվել և այդ մարդկանց ընտանիքները վատ իրավիճակում են հայտնվել:

Շատ կուզեի, որ տեղական հայկական ուժերի կողմից օկուպացված տարածքներում վերջ դրվի օկուպացիոն ռեժիմին, մարդիկ կրկին հավասար պայմաններում ապրեն, ես էլ գնամ այդ տարածքները տեսնելու:

Պապիկս ծնվել է Լաչինի շրջանում և հաճախ է այնտեղի գեղեցկության մասին պատմում ինձ: Դա ավելի է ինձ ոգևորում, որպեսզի գնամ ու տեսնեմ այդ տարածքները: Շատ կուզեի, որ ծնողներս այցելեն իրենց հարազատների գերեզմանները, տեսնեն իրենց հայրենիքը: Սա ինձ նման յուրաքանչյուր ադրբեջանցու իղձն է:

Անկախ նրանից, թե ինչպիսին է մեր այսօրը, մեր վաղվա օրը պետք է խաղաղ լինի: Անցյալի եղելությունների համար մենք՝ երիտասարդ սերունդս, չպետք է զոհ դառնանք: Ես շատ կցանկանայի օգնել իմ ժողովրդին, պետությանը, սակայն ժողովրդի հանդեպ ունեցած պարտքը չպետք է վճարել պատերազմով: Մեզնից՝ երիտասարդներիցս է կախված ապագան: Եթե մենք մեր ուժերը կենտրոնացնենք ոչ թե պատերազմելու, այլ խաղաղության, կրթության, բարգավաճման վրա, ապա ավելի օգտակար քաղաքացիներ կլինենք: Մենք պետք է անենք ամեն բան, որպեսզի այս հարցը կարգավորվի խաղաղ ճանապարհով:

Հարգանքով՝

Խաղաղության ջատագով

